



Broj: 171-030-04/24
Sarajevo, 29.03.2024. godine

Na osnovu člana 43. Statuta Javne ustanove „Centar za napredne tehnologije u Sarajevu“, člana 70. stav (1), (3) i 6), člana 33. stav (1). tačka b) i člana 34. Zakona o javnim nabavkama („Službeni glasnik BiH“, br: 39/14 i 59/22), te na osnovu izvještaja i radu konkursne komisije br: 232/24 od 25.03.2024.godine i Zapisnika o pregledu i ocjeni ponuda br. 233-060-04/24 od 26.03.2024.godine, po provedenom postupku konkursa za izradu idejnog rješenja, direktor donosi

ODLUKU

o izboru pobjednika konkursa za izradu idejnog rješenja za mural

I

U provedenoj javnoj nabavci usluga – konkursa za izradu idejnog rješenja za mural izabrano je prvoplasirano idejno rješenje kojem se dodjeljuje novčana nagrada u iznosu od 500,00 KM.

II

Ponudač/autor koji je dostavio prvoplasirano idejno rješenje je **Martina Reč** koja je dostavila konkursni rad pod šifrom **MRI1337**.

III

Autor nagrađenog rješenja je dužan u roku od 5 dana od dana zaprimanja ove Odluke dostaviti dokaze iz člana 45. Zakona o javnim nabavkama BiH u originalu ili ovjerenoj kopiji, u skladu sa konkursnom dokumentacijom, evidencijski broj 171-030-02/24.

IV

Ova odluka objavit će se na web-stranici www.cnt.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 2. i 6. Zakona o javnim nabavkama BiH.

V

Po pravosnažnosti ove Odluke, Ugovorni organ će donijeti Zaključak o isplati dodjeljene nagrade.

VI

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 171-030/24 od 07.03.2024.godine. Javna nabavka je provedena putem konkursa za izradu idejnog rješenja. Ukupna procijenjena vrijednost javne nabavke iznosi 500,00 KM – što predstavlja iznos nagrade pobjedniku konkursa.

Konkursna dokumentacija je objavljena na web stranici JU "Centar za napredne tehnologije u Sarajevu" sa obavještenjem o nabavci broj: 22651-6-2-17-3-14/24 objavljeno dana 07.03.2024.godine.

Obavještenje o nabavci je objavljeno u „Službenom glasniku BiH“ br. 18/24. Rok za dostavu idejnih rješenja je bio 25.03.2024.godine u 10:00 sati.

Za predmetnu nabavku su imenovane dvije komisije, i to: Konkursna komisija sastavljena od tri člana priznate stručne reputacije i Komisija za javne nabavke formirana od tri člana u skladu sa Pravilnikom o uspostavljanju i radu komisije za nabavke („Službeni glasnik BiH“ br. 103/14 i 49/23).

Zadatak Konkursne komisije je bio da provede postupak javne nabavke usluga izrade idejnog rješenja za mural za potrebe Javne ustanove „Centar za napredne tehnologije u Sarajevu“, na način da izvrši stručnu ocjenu i rangiranje prispjelih radova u skladu sa kriterijima utvrđenim u tekstu konkursne dokumentacije br.

171-030-01/24 od 07.03.2024.godine, te da donese odluku o izboru o najpovoljnijeg rješenja u skladu sa članom 34. Zakona o javnim nabavkama ("Službeni glasnik BiH", broj 39/14 i 59/22).

Konkursna komisija, imenovana Odlukom br. 171-030-02/24 od 12.03.2024.godine, je sačinila Izvještaj o radu konkursne komisije br. 25.03.2024.godine, koji je sastavni dio ove odluke. U izvještaju je Komisija konstatovala da je zaprimljeno 11 idejnih rješenja, te je nakon izvršene ocjene konkursnih radova donijela odluku o izboru najpovoljnijeg rješenja – idejnog rješenja pod šifrom MR1337 sa ukupnim zbirom od 96 bodova.

Anonimnost je osigurana tokom cijelog postupka te Konkursnoj komisiji nije poznat identitet ponuđača.

Dana 26.03.2024.godine, Komisija za javne nabavke imenovana Odlukom br. 171-030-03/24 od 21.03.2024.godine je izvršila javno otvaranje koverti „Autor“, prema navedenim šiframa povezala autore sa konkursnim radovima, te sačinila Zapisnik o otvaranju ponuda br. 233-060-03/24 od 26.03.2024.godine.

Komisija za javne nabavke je sačinila Zapisnik o pregledu i ocjeni ponuda br. 233-060-04/24 od 26.03.2024.godine u kome je konstatovala da je konkursni rad pod šifrom MR1337, koji je odlukom Konkursne komisije proglašen pobjednikom, rad ponuđača/autora Martine Reč.

Cijeneći prethodno navedeno, direktor je odlučio kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba u roku od 10 (deset) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka.

Direktor

Mr. dipl. ing. Ensar Mulaosmanović

Dostaviti:

- Ponuđačima koji su učestvovali u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a